

Na osnovu člana 16. stav 2 Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), a u vezi sa članom 37. stav (1) i stav (4) i članom 46. stav (1) Zakona o izvršavanju Budžeta Zeničko-dobojskog kantona za 2024. godinu ("Službene novine Zeničko-dobojskog kantona", broj: 21/23 i 4/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 21. sjednici, održanoj dana 15.03.2024. godine, d o n o s i

ODLUKU

o usvajanju „Programa utroška sredstava vodnih naknada za 2024. godinu“, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2024. godinu, pozicije „Kapitalni transferi drugim nivoima vlasti iz sredstava posebnih vodnih naknada“ i „Namjenska sredstva za finansiranje otplate kredita - Plava voda iz sredstava posebnih vodnih naknada“

Član 1. (Predmet)

Usvaja se Program utroška sredstava vodnih naknada za 2024. godinu za koji su u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2024. godinu ("Službene novine Zeničko-dobojskog kantona", broj: 21/23), ekonomski kod 615100 NAD 403 pozicija „Kapitalni transferi drugim nivoima vlasti iz sredstava posebnih vodnih naknada“ i 614400 NAD 403 pozicija „Namjenska sredstva za finansiranje otplate kredita - Plava voda iz sredstava posebnih vodnih naknada“, planirana sredstva u ukupnom iznosu od 10.350.000,00 KM (desetmilionatristotinepedesethiljada konvertibilnih maraka), koji čini sastavni dio ove odluke.

Član 2. (Način realiziranja sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realiziranje Odluke)

Za realizaciju ove odluke zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-5332/24
Datum, 15.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA NAMJENSKIH SREDSTAVA
PRIKUPLJENIH OD SREDSTAVA VODNIH NAKNADA ZA
2024. GODINU**

ZENICA, mart 2024. godine

I NAZIV PROGRAMA

Program utroška namjenskih sredstava prikupljenih od sredstava vodnih naknada za 2024. godinu, u razdjelu 23, budžetska organizacija 01, potrošačka jedinica 0001, ekonomski kod 615100 NAD 403 pozicija „Kapitalni transferi drugim nivoima vlasti iz sredstava posebnih vodnih naknada“ i 614400 NAD 403 pozicija „Namjenska sredstva za finansiranje otplate kredita - Plava voda iz sredstava posebnih vodnih naknada“.

II ZAKONSKI OSNOV ZA PROGRAM

Zakonski osnov za donošenje Programa utroška sredstava vodnih naknada za 2024. godinu je sadržan u članu 178. Zakona o vodama ("Službene novine Federacije BiH", broj: 70/06) i članu 125. Zakona o vodama Zeničko-dobojskog kantona ("Službene novine Zeničko-dobojskog kantona", broj: 17/07), te u članu 37. stav (1) i stav (4) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), kojim je utvrđeno da će se navedena sredstva koristiti u skladu sa programom utroška kojeg donosi Vlada Kantona. U članu 46. stav (1) istog Zakona utvrđeno je da nadležni organi uprave i upravne organizacije predlažu Vladi Kantona programe utroška sredstava iz člana 37. Zakona o izvršavanju Budžeta Zeničko-dobojskog kantona.

U vezi sa navedenim, Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava vodnih naknada za 2024. godinu (u daljem tekstu: Program).

III SVRHA PROGRAMA

Predviđena sredstva utrošit će se za nerealizovane projekte koji su planirani i ugovoreni po Programu utroška sredstava vodnih naknada iz 2023. godine, zatim za realizaciju projekata lokalne vodne infrastrukture, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području gradova i općina Kantona, za otplatu kredita - Plava voda i realizaciju projekta utvrđivanja granice vodnog dobra na vodotocima II kategorije na području Kantona u skladu sa operativnim ciljevima utvrđenim u Strategiji upravljanja vodama 2022.-2027. godine (Plan realiziranja mjera za dostizanje ciljeva upravljanja vodama) i Strategiji razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“, broj: 3/21), kao i za rezervna sredstva za interventne aktivnosti

Navedenim dokumentima su utvrđeni operativni zadaci nadležnim organima za realiziranje projekata i aktivnosti od značaja za Kanton, konkretno razvoj vodne infrastrukture, koji se finansiraju iz prihoda namjenskih sredstava vodnih naknada i usmjeravaju na osnovu godišnjeg plana i programa Ministarstva, odnosno za sufinansiranje izgradnje i održavanja vodnih objekata (zaštitnih objekata, objekata za vodosnabdijevanje, objekata za zaštitu voda od zagađivanja, kao i ostale aktivnosti vezane za poslove upravljanja vodama (izrada tehničke dokumentacije, podloga za izdavanje koncesija i dr.), u skladu sa članom 178. Zakona o vodama („Službene novine Federacije BiH“, broj: 70/06), odnosno članom 125. Zakona o vodama („Službene novine Zeničko-dobojskog kantona“, broj: 17/07), kojima je utvrđen namjenski utrošak sredstava vodnih naknada.

IV VISINA SREDSTAVA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23) u razdjelu 23, budžetska organizacija 01, potrošačka jedinica 0001, ekonomski kod 615100 NAD 403 pozicija „Kapitalni transferi drugim nivoima vlasti iz sredstava posebnih vodnih naknada“ i 614400 NAD 403 pozicija „Namjenska sredstva za finansiranje otplate kredita - Plava voda iz sredstava posebnih vodnih naknada“, planirana su sredstva u ukupnom iznosu od 10.350.000,00 KM (desetmilionatristotinepedesethiljada konvertibilnih maraka).

V IZVORI FINANSIRANJA

Navedena sredstva sastoje se od neutrošenih namjenskih sredstava iz ranijeg perioda i očekivanog priliva po osnovu vodnih naknada u 2024. godini. Sredstva koja pripadaju Kantonu predstavljaju 45% ukupnog priliva koji se ostvaruje na Kantonu po osnovu opće i posebnih vodnih naknada i od prihoda po osnovu zakupa javnog vodnog dobra (pri čemu 40% priliva pripada Agenciji za vodno područje rijeke Save Sarajevo, a 15% Federalnom fondu za okoliš), odnosno po osnovu vrsta prihoda: 721226, 722521, 722522, 722523, 722524, 722525, 722526, 722527, 722528, 722529, 777776 i 721225.

Ukupni rashodi za prihode koji se ostvaruju po osnovu opće i posebnih vodnih naknada i od prihoda po osnovu zakupa javnog vodnog dobra, koji prema raspodjeli utvrđenoj u članu 177. Zakona o vodama ("Službene novine Federacije BiH", broj: 70/06) pripadaju Kantonu, planirani su na bazi akumuliranih neutrošenih sredstava po ovom osnovu iz ranijeg perioda, namjenskih sredstva za finansiranje otplate kredita - Plava voda iz sredstava posebnih vodnih naknada i očekivanog procijenjenog priliva po istom osnovu u 2024. godini, što ukupno iznosi 10.350.000,00 KM.

VI NAČIN UTROŠKA SREDSTAVA

Ovim Programom su utvrđeni kriteriji za raspodjelu sredstava opredijeljenih za razvoj lokalne vodne infrastrukture, prema kojima je utvrđena visina pripadajućeg iznosa sredstava jedinicama lokalne samouprave (u daljem tekstu: JLS), u cilju transparentne raspodjele istih.

U vezi sa navedenim, planira se realizacija slijedećih projekata:

- Naziv projekta:** Realizacija nezavršenih projekata ugovorenih u 2023. godini po Programu utroška sredstava vodnih naknada za 2023. godinu

Cilj projekta: Realizirati ugovore iz 2023. godine čija se realizacija prenosi u 2024. godinu, a navedeni su u **Tabeli 1.**

Iznos sredstava: 4.000.284,66 KM

Tabela 1.

STAVKA		NAZIV		Ugovoreno /Planirano (KM)
A		OPĆINA/GRAD	FINANSIRANJE IZGRADNJE ILI REKONSTRUKCIJE VODNIH OBJEKATA OD OPĆINSKOG ZNAČAJA (ZAŠTITNI VODNI OBJEKTI, VODNI OBJEKTI ZA KORIŠTENJE VODA, VODNI OBJEKTI ZA ZAŠTITU VODA)	4.000.284,66
A	1.	ZAŠTITNI VODNI OBJEKTI		963.563,85
A	1.2.	MAGLAJ	Regulacija i uređenje dijela korita Jablanice	40.000,00
A	1.3.	USORA	Čišćenje korita opštinskih voda	43.300,00
A	1.4.	VAREŠ	Regulacija rijeke Stavnje kroz naselje Hođić VII faza	86.275,71
A	1.5.	VISOKO	Uređenje lijeve obale rijeke Bosne i kolektora otpadnih voda od profila PP 52km 1+530,00 do profila PP 46 km 1+350,00	297.502,45
A	1.6.	ZENICA	Regulacija Orahovačke rijeke u naselju Nemila	400.000,00
A	1.7.		Regulacija Ciganskog potoka u naselju Stranjani	50.000,00
A	1.8.		Regulacija Orahovičke rijeke, MZ Nemila, Zenica 2022. god.	47.233,74

A	2.	VODNI OBJEKTI ZA KORIŠTENJE VODA		1.372.633,91
A	2.1.	KAKANJ	Vodovod MZ Zagrađe - Izgradnja distributivne mreže (V faza)	100.000,00
A	2.2.		Rekonstrukcija vodovoda Gornja Ričica - III faza	70.000,00
A	2.3.		Rekonstrukcija vodovoda Ponjeri II	44.500,00
A	2.4.		Rekonstrukcija vodovoda Gornja Ričica, I faza, Kakanj 2022. god.	36.641,86
A	2.5.	MAGLAJ	Vodovod bijela ploča - rekonstrukcija postojeće sekundarne mreže radi smanjenja gubitaka	165.276,69
A	2.6.	OLOVO	Izgradnja vodovoda Olovo - Zeleni vir	98.175,81
A	2.7.	TEŠANJ	Proširenje vodovodne mreže u MZ Kaloševići	21.302,64
A	2.8.		Izgradnja rezervoara RK Karadaklije	300.000,00
A	2.9.	USORA	Povećanje energetske učinkovitosti izvorište Bare lokalitet Srednja Omanjska	40.000,00
A	2.10.	ZAVIDOVIĆI	Vodosnabdijevanje prostorne cijeline MZ Pašin Konak sa vezom na gradski vodovod općine Zavidovići - rezervuar R6	116.915,00
A	2.11.		Vodosnabdijevanje prostorne cijeline MZ Pašin Konak sa vezom na gradski vodovod općine Zavidovići - rezervuar R7	91.482,00
A	2.12.		Vodovod za naselja Bajvati, Beše i Žioke sa gradskim vodovodnim priključkom u šahti na liniji DN 110 mm u Davuljima MZ Gostović	86.000,00
A	2.13.		Projekat uspostavljanja i zaštite sanitarnih zona izvora Suha, Zavidovići 2022. god.	25.146,30
A	2.14.	ZENICA	Rekonstrukcija vodovoda u MZ Janjac	64.906,94
A	2.15.		Rekonstrukcija vodovoda Vukotići, Grad Zenica 2021. god.	55.241,59
A	2.16.	ŽEPČE	Rekonstrukcija vodovodne mreže Žepče dio faza I	56.297,03
A	3.	VODNI OBJEKTI ZA ZAŠTITU VODA		1.664.834,95
A	3.1.	BREZA	Izgradnja sistema otpadnih voda u naselju Gornja Breza	130.901,08
A	3.2.	DOBOJ-JUG	Izgradnja primarnih kolektora fekalne kanalizacije-nastavak izgradnje kolektora III-2	62.475,51
A	3.3.	KAKANJ	Izgradnja kanizacionog kolektora za dio naselja Bičar	62.177,27
A	3.4.	ZENICA	Izgradnja kanalizacije u MZ Stranjani	150.000,00
A	3.5.		Izgradnja kanalizacije MZ Vukotići	180.000,00
A	3.6.		Izgradnja kanalizacije sliva Babine rijeke, Zenica 2022.god.	89.804,83
A	3.7.	ŽEPČE	Izgradnja fekalne kanalizacije za naselja Opšenik, Ciglane, Luke, Berek, Zenički put i Varošiste	190.000,00
A	3.8.	VISOKO	Rekonstrukcija kanizacione oborinske mreže i rekonstrukcija vodovoda Visoko-naselje Hadžijina voda, grad Visoko	57.462,26
A	3.9.		Fekalna kanalizacija MZ Zimča, I faza, grad Visoko	277.838,00

A	3.10.		Oborinska i fekalna kanalizacija saobraćajnice kroz industrijsku zonu Ozrakovići, Visoko	464.176,00
UKUPNO (A1+A2+A3):				4.001.032,71

2. Naziv projekta: Finansiranje izgradnje ili rekonstrukcije vodnih objekata od značaja za jedinice lokalne samouprave (JLS) (zaštitni vodni objekti, vodni objekti za vodosnabdijevanje i vodni objekti za zaštitu voda od zagađenja), uključujući izradu projektne dokumentacije.

Cilj projekta: Realizacija operativnih ciljeva iz Strategije upravljanja vodama FBiH (2022.-2027.) i Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“, broj: 3/21), odnosno izgradnja ili rekonstrukcija vodnih objekata, uključujući i izradu projektne dokumentacije, za projekte sanacije postojećih i izgradnju novih zaštitnih vodnih objekata i regulacionih radova sa ciljem povećanja zaštite od plavljenja, izgradnje vodnih objekata za zaštitu voda uključujući uređaje za prečišćavanje otpadnih voda, sa ciljem povećanja broja stanovnika priključenih na javne sisteme za prikupljanje i odvodnju otpadnih voda naselja i zaštite kvaliteta površinskih i podzemnih voda, rekonstrukcije i sanacije postojećih vodovodnih sistema sa ciljem smanjenja gubitaka, povećanja broja stanovnika priključenih na sisteme javne vodoopskrbe i poboljšanja kvaliteta javnog vodosnabdijevanja, poboljšanje kvaliteta javnog vodosnabdijevanja putem pročišćavanja na postrojenju za pitku vodu, i dr.

Ministarstvo će raspisati Javni poziv za dodjelu sredstava JLS, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju Budžeta Zeničko-dobojskog kantona za 2024. godinu Javni poziv će, u skladu sa tačkom 23. c. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 15/18), sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

Obrazac za prijavu programa ili projekta bit će sastavni dio Javnog poziva i isti će obavezno sadržavati procjenu efekata učinka koji se postižu realizacijom istih. JLS kao korisnici sredstava bit će u obavezi da po realizaciji odobrenog projekta utvrde procjenu efekata koji su postignuti utrošenim sredstvima transfera, a od kojih će zavisiti visina i namjena sredstava koja se planiraju za narednu godinu.

U cilju transparentnosti, ovim Programom su utvrđeni kriteriji za raspodjelu sredstava opredijeljenih za razvoj lokalne vodne infrastrukture, zasnovani na visini budžetskih sredstava za tekuću godinu JLS i broju stanovnika svake JLS, prema kojima je utvrđena visina pripadajućeg iznosa sredstava jedinicama lokalne samouprave, u odnosu na ukupno opredijeljena sredstva za ovu namjenu u iznosu od **5.374.974,20 KM**, kako je dato u Tabeli 2.

TABELA 2. RASPODJELA SREDSTAVA PO OPĆINAMA ZA 2024. GODINU

JLS	Broj stanovnika	Procent. br.stan. (K ₁)	Budžet JLS za 2024.	Koeficijent K ₂ (Budžet)	Σ K (K ₁ +K ₂)	RASPODJELA ZA 2024.	KONAČNO ZA 2024.
1	2	3	4	5	6=3+5	7=5.374.974,20*6/Σ K	8
Breza	14168	3,89	7.667.710,00	0,5	4,39	234.663,51	234.663,51
Doboj-Jug	4137	1,14	5.022.300,00	1	2,14	114.194,83	114.194,83
Kakanj	37441	10,27	35.193.205,46	-1	9,27	495.982,71	495.982,71
Maglaj	23146	6,35	14.057.340,00	0	6,35	339.678,90	339.678,90
Olovo	10175	2,79	6.310.000,00	1	3,79	202.805,45	202.805,45
Tešanj	43063	11,82	28.025.000,00	0	11,82	631.970,65	631.970,65
Usora	6603	1,81	5.720.000,00	1	2,81	150.384,59	150.384,59
Vareš	8892	2,44	6.606.300,00	1	3,44	183.976,79	183.976,79
Visoko	39938	10,96	37.568.000,00	-1	9,96	532.627,41	532.627,41
Zavidovići	35988	9,88	16.703.210,00	0	9,88	528.141,55	528.141,55
Zenica	110663	30,37	112.922.656,20	-2	28,37	1.517.069,15	1.517.069,15
Žepče	30219	8,29	13.040.000,00	0	8,29	443.478,65	443.478,65
UKUPNO:	364433		288.835.721,66			5.374.974,20	5.374.974,20

NAPOMENA: Kriterij K₁ predstavlja procentualni broj stanovnika JLS u odnosu na ukupan broj stanovnika Kantona, a kriterij K₂ se odnosi na budžet JLS za 2024. godinu i veći je za manje budžete i obrnuto, a utvrđen je sa ciljem dostizanja ravnomjernog razvoja lokalne vodne infrastrukture.

Budžet JLS za 2024. godinu	K2
do 7.000.000	1
7.000.001.-13.000.000	0,5
13.000.001-30.000.000	0
30.000.001-50.000.000	-1
>50.000.001.	-2

Ministarstvo je dužno imenovati Komisiju za utvrđivanje Javnog poziva, kojim će biti propisani uslovi i mjerljivi kriteriji za kandidovanje projekata, sa ciljem povećanja efikasnosti utroška namjenskih sredstava, odnosno za vrednovanje, rangiranje i odabir projekata u okviru ukupno opredijeljenih sredstava za svaku JLS po ovom Programu.

Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava za pojedinu JLS, ukoliko se za to ukaže opravdana potreba, na zahtjev JLS.

Ministarstvo se obavezuje da sa svim JLS Kantona zaključi sporazum, kojim će biti regulisane međusobne obaveze i način realizacije odobrenih projekata. Nosioc aktivnosti provođenja tenderskih postupaka biće JLS.

Iznos sredstava: 5.374.974,20 KM

3. Naziv projekta: Utvrđivanje granice vodnog dobra uz vodotoke II kategorije

Cilj projekta: Utvrditi granicu vodnog dobra uz vodotoke II kategorije na području Kantona, radi zaštite vodnog dobra od bespravne gradnje i drugih negativnih uticaja. S obzirom na veliki broj vodotoka II kategorije na području Kantona, u 2024. godini planira se realizacija ovog projekta na vodotocima prioritarno u urbanim, odnosno naseljenim dijelovima JLS, u obimu koji će biti definiran u saradnji sa JLS.

Za navedeni projektate općine će provesti postupak javne nabavke u skladu sa Zakonom o javnim nabavkama.

Iznos sredstava: 30.000,00 KM

4. **Naziv projekta:** Realizacija plaćanja naloga za projekte koji su realizovani u 2023. godini, a nisu plaćeni u 2023. godini

Iznos sredstava: 493.993,09 KM

5. **Naziv projekta:** Rezervna sredstva za interventne aktivnosti

Cilj projekta: Obezbijediti sredstva za namjene u vrijeme neposredne opasnosti od pojave velikih (poplavnih) voda, u vrijeme trajanja poplava i otklanjanje posljedica poplava, a sve u skladu sa članom 1. stav (2) i članom 17. stav (1) i (3)

Uredbe

o vrstama i sadržaju planova zaštite od štetnog djelovanja voda („Službene novine Federacije BiH“, broj: 26/09) i Kantonalnim operativnim planom odbrane od poplava („Službene novine Zeničko-dobojskog kantona“, broj: 1/15).

Iznos sredstava: 300.000,00 KM

6. **Naziv projekta:** Namjenska sredstva za finansiranje otplate kredita-Plava voda iz sredstava posebnih vodnih naknada

Iznos sredstava: 150.000,00 KM

REKAPITULACIJA:

R.br.	NAZIV	Planirano (KM)
1.	Realizacija nezavršenih projekata ugovorenih u 2023. godini po Programu utroška sredstava vodnih naknada za 2023. godinu	4.001.032,71
2.	Finansiranje izgradnje ili rekonstrukcije vodnih objekata od značaja za JLS (zaštitni vodni objekti, vodni objekti za korištenje voda, vodni objekti za zaštitu voda)	5.374.974,22
3.	Utvrdjivanje granice vodnog dobra uz vodotoke II kategorije	30.000,00
4.	Realizacija plaćanja naloga za projekte koji su realizovani u 2023. godini, a nisu plaćeni u 2023. godini	493.993,09
5.	Rezervna sredstva za interventne aktivnosti	300.000,00
6.	Namjenska sredstva za finansiranje otplate kredita-Plava voda iz sredstava posebnih vodnih naknada	150.000,00
UKUPNO :		10.350.000,00

Obrazloženje rekapitulacije:

S obzirom da se krajem 2023. godine kasnilo sa zaključivanjem sporazuma o zajedničkom učešću u realizaciji projekata „Programa utroška sredstava vodnih naknada za 2023. godinu“- „Finansiranje izgradnje ili rekonstrukcije vodnih objekata od značaja za JLS (zaštitni vodni objekti, vodni objekti za korištenje voda i vodni objekti za zaštitu voda od zagađenja), uključujući izradu projektne dokumentacije“, te provođenjem javnih nabavki za izbor najpovoljnijeg ponuđača za nabavu radova i usluga od strane JLS, a time i ugovora o prenosu sredstava općinama/gradovima nakon dostavljenih privremenih/okončanih situacija, za posljedicu je izazvalo nisku realizaciju Programa utroška vodnih naknada za 2023. godinu. S tim u vezi, u 2024. godini prenesena je realizacija ugovorenih nezavršenih projekata u 2023. godinu u iznosu od 4.001.032,71 KM, takođe će se izvršiti realizacija plaćanja naloga za projekte koji su realizovani u 2023. godini, a nisu plaćeni u 2023. godini u iznosu od 493.993,09 KM, a za utrošak sredstava vodnih naknada 2024. godine opredijeljen je ukupan iznos od 5.374.974,20 KM zajedno sa 30.000,00 KM za utvrđivanje granice vodnog dobra za vodotoke II kategorije, kao i sredstva rezervisana za namjene hitne sanacije i intervencije u slučaju neposredne opasnosti i posljedica od poplava u iznosu od 300.000,00 KM, kao i sredstva za finansiranje otplate kredita-Plava voda za 2024. godinu od 150.000,00 KM.

VII KRITERIJI ZA DODJELU SREDSTAVA

Odabir kandidovanih projekata koji ispunjavaju uslove iz Javnog poziva, izvršiti će Komisija za utvrđivanje i provođenje Javnog poziva, koju imenuje ministar Ministarstva.

Bodovanje projekata Komisija vrši na osnovu sljedećih kriterija:

I Projekti prema vrsti vodnih objekata **najviše po ovom kriteriju 50 bodova**

- 1. Zaštitni vodni objekti - nasipi, obaloutvrde, uređena korita vodotoka, odvodni kanali, obodni (lateralni) kanali, objekti za zaštitu od vanjskih voda, odvodni tuneli i dr. (izvođenje radova ili izrada tehničke dokumentacije)**

Podkriteriji:

- | | |
|--|----|
| 1.1. Uređenje i održavanje vodotoka | 50 |
| 1.2. Regulacioni radovi | 30 |
| 1.3. Izgradnja zaštitinih vodnih objekata (regulacija) za zaštitu od velikih voda 1/100 | 20 |
| 2. Vodni objekti za zaštitu voda od zagađivanja – kolektori za prijem i transport otpadnih voda, uređaji za prečišćavanja otpadnih voda i drugi pripadajući objekti i oprema (izvođenje radova ili izrada tehničke dokumentacije) | |

Pokriteriji:

- | | |
|---|----|
| 2.1. Izgradnja uređaja za prečišćavanje otpadnih voda | 40 |
| 2.2. Izgradnja glavnog kolektora uzvodno od uređaja | 25 |
| 2.3. Izgradnja sekundarne kanalizacione mreže | 10 |

- 3. Vodni objekti za iskorištavanje voda - vodosnabdijevanje, odvodnjavanje i navodnjavanje (izvođenje radova ili izrada tehničke dokumentacije)**

Podkriteriji:

- | | |
|---|----|
| 3.1. Proširenje ili sanacija gradskog /općinskog vodovoda | 30 |
| 3.2. Izgradnja ili rekonstrukcija/sanacija uređaja za pripremu vode | 20 |
| 3.3. Izgradnja ili rekonstrukcija mjesnog vodovoda | 10 |

II. Projekti koji su u fazi realizacije (ranije započeti) **najviše po ovom kriteriju 30 bodova**

Podkriteriji:

- | | |
|--------------------------------|----|
| a) završna faza projekta | 30 |
| b) projekti u fazi realizacije | 20 |
| c) prva faza | 10 |

III. Projekti koji imaju osigurano vlastito učešće ili koje sufinansiraju donatori, kreditori ili drugi subjekti (iskazano kao procenat od procijenjene vrijednosti kandidovanog projekta)*

najviše po ovom kriteriju 20 bodova

Podkriteriji:

a) vlastito učešće preko 50%	20
b) 20-30%	10
c) do 20%	5

**Da bi projekat bio bodovan po ovom kriteriju, uz prijavu se mora dostaviti dokaz da su sredstva obezbijeđena (izvod iz Budžeta JLS ili drugi dokument kojim se dokazuje da su sredstva obezbijeđena iz drugog izvora), kako je navedeno u tački IV.2. Javnog poziva.*

VIII IZVJEŠTAJ O UTROŠKU SREDSTAVA

Gradovi/općine kao korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava prema potpisanim Sporazumima do 31.03.2025. godine. U slučaju da korisnici doznačenih sredstava ne dostave izvještaj o namjenskom utrošku sredstava do ostavljenog roka neće imati pravo aplicirati za dodjelu sredstava u narednoj fiskalnoj godini.

O utrošku namjenskih sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje izvještavati Vladu Zeničko-dobojskog kantona.

Broj: 02-11-5332/24

Datum, 15.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.